



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

12. Gloriam humanam ijs dari sæpe, quibus alia merces, in altera vita, non
manet.

urn:nbn:de:hbz:466:1-45699

bas, sed trophæa rectè factorum erigas, quæ & in præfenti vita nomen tibi conseruant, & in futura vita immortalem tibi requiem comparant. Si sis memoria cupidus, ego te doceo viam veram & apertissimam: virtutis curam gere. Nihil enim facit nomen ad eum immortalis, ut natura virtutis. Id ostendunt Martyres, ostendunt Apostolorum reliquie, ostendit memoria eorum, qui rectè & ex virtute vixerunt. Quot Reges urbes euerterunt, portas extruxerunt, & nominibus suis inscriptis decesserunt, nec tamen eis quicquam profuit, sed silentio & obliuioni mandati sunt? Piscator autem Petrus, qui nihil fecit eorum, quoniam virtutem est prosecutus, & ciuitatem maximè regiam occupauit, etiam post mortem resplendet Sole clariùs. Quod tu autem facis, est ridiculum, & plenum ignominia. Hæc enim monumenta, non solam non te clarum reddent, sed etiam facient ridiculum, & ora omnium aperient. Edificia enim non sinunt tuam auaritiam, quæ obliuioni tradi poterat, temporis excursu extingui, & stant veluti columna & trophæa erecta aduersus auaritiam. Sunt enim ex aliena pecunia, è pupillorum censu, è decimis Ecclesiæ subductis, è defraudati amici ærario, è furtis, è rapinis extructa. Hæc omnia in memoriam reuocabunt, qui post hæc palatium à te extructum intuebuntur.

XII.

Quod de ædificijs dixit Chrysoströmus, dici potest & de picturis, de cimelijs, de anaglyphis, imò de omnibus rebus pulchris laudemque humanam merentibus, vti & de præclarè gestis, si propter plausum vanumque honorem facta sunt. Quemadmodum enim nulla laus est, esse vanum, ita, apud Christianè prudentes, quicumque illa vel fecerunt, vel gesserunt ad inanes glorias captandas, censentur non præconium, sed vituperium meruisse. Sed ante Christi doctrinam, velut lumen, mundo illatam, cum Ethnici meliorem virtutis vel laboris laude humana mercedem ignorarent, ad honores tantopere aspirauerunt. Quibus ergo nunc erat Deus daturus vitam æternam, ait S. Augustinus, cum sanctis Angelis suis, in ciuitate sua caelesti, ad cuius societatem piæ veræ perducit, quæ non exhibet seruitutem religionis, quam latrariam Græci vocant, nisi uni vero Deo, si neque hæc eis terrenam gloriam excellentissimi Imperij concederet, non redderetur merces bonis artibus eorum, id est virtutibus, quibus ad tantam gloriam peruenire nitentur. De talibus enim, qui propter hoc boni aliquid facere videntur, ut glorificentur ab hominibus,

S. Augustin.
lib. 4. de ci-
uit. c. 15.

bus, etiam Dominus ait: Amen dico vobis, perceperunt mercedem suam. Sic & isti priuatas res suas pro re communi, hoc est, republica, & pro ciuis arario contempserunt, auaritia resisterunt, consuluerunt patria consilio libero: neque delicto secundum suas leges, neque libidini obnoxij: his omnibus artibus tamquam vera via nisi sunt ad honores, imperium, gloriam: honorati sunt in omnibus ferè gentibus: imperij sui leges imposuerunt multis gentibus: hodieq; litteris & historia gloriosi sunt panè in omnibus gentibus. Non est quod de summi & veri Dei iustitia conquerantur: perceperunt mercedem suam. Merces autem sanctorum longè Ibid. cap. 16.
 alia est etiam hic opprobria sustinentium pro ciuitate Dei, qua mundi huius dilectoribus odiosa est. Illa ciuitas sempiterna. Ubi nullus oritur, quia nullus moritur. Ubi est vera & plena felicitas, non dea, sed donum Dei. Inde fidei pignus accipimus quamdiu peregrinantur eius pulchritudini suspiramus. Ibi non oritur sol super bonos & malos, sed sol iustitie solos protegit bonos. Ibi non erit magna industria ditare ararium publicum priuatis rebus angustis, ubi thesaurus communis est veritatis. Proinde non solum ut talis merces talibus hominibus redderetur, Romanum Imperium ad humanam gloriam dilatatum est, verùm etiam ut ciues eterne illius ciuitatis, quàm diu hic peregrinantur, diligenter & sobrie illa intueantur exempla, & videant, quanta dilectio debeat superna patriæ propter vitam eternam, sitantum à suis ciuibus terrena dilecta est propter hominum gloriam. Atque hoc præcipuum est argumentum, ob quod omnes honorati meritò metuere debent, ne hic recipiant mercedem suam; cùm & Gentibus Deus honores terrenos contulerit in mercedem, quibus non erat daturus vitam eternam. Enimuerò, quotiescumque aliquid feliciter succedit, prouidæ mentis homo formidat, ne per huius vitæ felicitatem, æternam amittat felicitatem, dicaturque illi aliquando, recepisti mercedem tuam. Videant igitur, qui propter opera sua laudari cupiunt, quam mercedem cupiant, quam omit-
 tant.

